

पालिपाठ सिक्खावली

नमो तिलोक तिलकस्स महाकारुणिकस्स ।

पठमो पाठो

पठमा विभत्ति पयोगा ॥

सुभं भवति ।	माता रोदति ।
बुद्धो विरोचति ।	पुरिसो हसति ।
चन्दो उदेति ।	वातो वायति ।
नदी सन्दति ।	सीतं भवति ।
दारको सयति ।	अस्सो धावति ।
राजा निसीदति ।	धम्मो राजते ।

दुतियो पाठो

दुतिया विभत्ति पयोगा ॥

राजा नगर गच्छति ।	राजानो नगरानि गच्छन्ति ।
पिता पुत्तं पोसेति ।	पितरो पुत्ते पोसेन्ति ।
दासो उदकं आहरति ।	दासा उदकानि आहरन्ति ।
चोरो धनं हरति ।	चोरा धनानि हरन्ति ।
गोणो तिणं देसेति ।	भिक्षवो धम्मे देसेन्ति ।
भिक्षु धम्मं देसेति ।	भिक्षवो धम्मे देसेन्ति ।
पुरिसो कम्मं करोति ।	पुरिसा कम्मनि करोन्ति ।

ततियो पाठो

ततिया विभत्ति पयोगा ॥

बुद्धेन देसितो धम्मो ।	उपासकेन दानं दियते ।
पुरिसेन कतो उपकारो ।	इत्थिया भत्तंज पच्चते ।
मित्तेन पेसितं लेखनं ।	भिक्षुना रक्खितं सीलं ।
आचरियेन दिन्नो अववादो (ओवादो)	
दासेन भारो नियते ।	सकुणेहि कतानि कुलावकानि ।

चतुत्थो पाठो

चतुत्थी विभत्ति पयोगा ॥

माता याचकस्स भत्तं देति ।	दायको भिक्षूनं उपट्ठाति ।
गोपालो गोणस्स तिणं आहरति ।	दासो सामिकस्स छत्तं धारेति ।
असप्पुरिसा परस्स कुञ्चन्ति ।	पण्डितस्स सच्चं रोचते ।
तापस्स वत्थं ददाति ।	सत्तानं सुखं भवतु ।
बुद्धो भिक्षुनं धम्मं देसेति ।	बालको रुक्खस्स जलं देति ।
उपासको बुद्धस्स नमो करोति ।	

पञ्चमो पाठो

पञ्चमी विभत्ति पयोगा ॥

मनुसो गामस्सा आगच्छति ।	राजा नगरा अपेति ।
रुक्खस्सा फलं पतति ।	पापेहि चित्तं निवारयति ।
दारको चोरस्सा भायति ।	सिस्सो आचरियस्सा सिक्खं गण्हाति ।

पण्डिता दुःखेहि पुञ्चन्ति ।
माता पुत्रं विपत्तिया रक्खति ।
तण्हाय सोको जायति ।

तापसा वनस्मा निक्खमन्ति ।
सद्धम्मा विना सुखं नत्थि ।
वानरो पव्वतम्हा पतितो ।

छट्ठमो पाठो छट्ठी विभक्ति पयोगा ॥

बुद्धस्स सासनं चिरं तिट्ठतु ।
अद्विकस्स भण्ड चोरो हरति ।
दारकस्स सरीरे रोगो उप्पज्जि ।
उग्गण्हाति ।
नरानं आणेन समं धर्न नत्थि ।
।
सक्को देवानं राजा भवति ।
अत्थि ।
पुप्फानं सुगन्धो पटिवातं नगच्छति ।

कुमारस्स पुञ्जं महन्तं होति ।
सीहो चतुप्पादानं राजा होति ।
ब्राम्हणस्स पुत्तो सिप्पं
रुक्खस्स साखा वातेन कम्पते
नगरस्स अविदूरे आरामो
कम्मान विपाको अत्थि ।

सत्तमो पाठो सत्तमी विभक्ति पयोगा ॥

सब्बेजना बुद्धे पसीदन्ति ।
उदके मच्छा चरन्ति ।
रुक्खेसु वानरा वसन्ति ।
नगरे धनवन्ता पुरिसा होन्ति ।
गोणो भूमियं सयति ।
जम्बुदीपे एव बुद्धा उप्पज्जन्ति ।
महिन्दत्थेरेन लङ्कायं बुद्धसासनं पतिट्ठापितं ।
अनुराधपुरे बहूनि चेतियानि सन्ति ।
अरिमद्दनपुरे बहूनि चेतियानि सन्ति ।
दाठाधातु मन्दिरं सीरिवड्ढनपुरे पतिट्ठितं ।

आरामे बहू भिक्खू वसन्ति ।
आकासे सकुणा उडडेन्ति ।
घटे थोकं जलं अत्थि ।
राजा सीहासने निसीदति ।
तापसा गामे चरन्ति ।

अट्ठमो पाठो करण विभक्ति पयोगा ॥

बुद्धेन लोको सुखी भवति ।
करोति ।
योधो असिना सीसं छिन्दति ।
दात्तेन वीहि लुनाति ।
पुञ्जेन देवलोकं याति ।
नावाय समुद्दं तरति ।
सब्बेसत्ता आहारेण जीवन्ति ।
अच्चेन्ति ।
धम्मेन वसन्तो सुखं विन्दति ।

कम्मकारो हत्थेन कम्मं
पुरिसो रथेन गामं गच्छति ।
फरसुना रुक्खं छिन्दति ।
पापेन निरयं याति ।
अलसो दुक्खेण वसति ।
मनुस्सा विरियेण दुक्खं

नवमो पाठो आलपन विभक्ति पयोगा ॥

आचरिय, इमं पोत्थकं वाचेहि ।
दारक, अत्तनो आसने निसीदि ।
अन्तेवासिक, त्वं पालिभासं साधुकं उग्गण्हाहि ।
अम्म, मह्यं कीलाभण्डं देहि ।
असप्पुरिस, पापं करोन्तो निरयं उप्पज्जिस्ससि ।
उपासक, दानंदेथ सीलं रक्खथ भावनं वड्ढेथ ,
मित्त, पञ्चसीलं रक्खन्तो सगं गच्छिस्ससि ।
सामि, मह्यं सङ्गहं करोहि ।
सहायक, त्वं कुहि गच्छसि ।
महाराज, सासनस्स अभिवुडिढया वायाम करोहि ।

दसमो पाठो

बालको पाठसालं गच्छति । बालकस्स हत्थे पोत्थकं अत्थि । सो अत्तनो आचरियं वन्दति । तस्स बालकस्स नामं धम्मपालो । सो आसने निसीदति । पोत्थकं च पठति । तस्स पोत्थकस्स नामं पालिपाठ सिक्खावली तस्मिं पोत्थके बुद्धचरितं दस्सित होति । यो त पोत्थकं वाचेति । बुद्धस्स चरितं उग्गण्हाति । तथा पालिभासं च उग्गण्हाति । सो तेन सद्धं लभति । सद्धा बहुलो बुद्धस्मिं पसीदति । पसीदन्तो बुद्धेन देसितं धम्मं सम्मा चरति । चरन्तो पत्थितं सम्पत्ति लभति । आचरियापि तस्मिं बालकस्मिं पसीदन्ति ॥

एकादसमो पाठो

गन्त्वा = वना सन्तिकं = समीपे, लिक्क उग्गण्हित्वा = सयेका अहोसि = जुल
अतीते जम्बुदीपे अमरवती नाम नगरं अहोसि । तत्थ सुमेधो नाम एको ब्राम्हण कुमारो अत्थि । (सुमेधो कस्सपुत्तो, सो आनन्दस्स नाम ब्राम्हणस्स पुत्तो तस्मा आनन्दो सुमेधस्स पिता । का तस्स माता, वसी नाम ब्राम्हणी तस्स माता होति । तस्मा सुमेधो वसिया ब्राम्हणीया पुत्तो) सो सुमेधो नाम ब्राम्हण-कुमारो आचरियस्स सन्तिकं गन्त्वा सिप्पं उग्गण्हिं । सब्बं सिप्पं उग्गण्हित्वा समत्थो अहोसि पण्डितो च ॥

(पदमाला)

दत्त्वा = बिया । नहायित्वा = मोल्हया । ठत्त्वा = च्वना ।
चरापेत्त्वा = नाय्खिंच्चेकेबिया आगत्त्वा = वया । कालं अकासि = मृत्यु जुल ।
पत्त्वा = थ्यंका । कालं अकंसु = (बहुवचन)

द्वादसमो पाठो

खो-पन = पदपूर्ण अर्थे (निपात पद) एवं = थथे, थुकथं, थुगु प्रकारं अथ = उगु बखते, अनंलि
पटिपज्जाहि = आचरणया अथवा रक्षाया । निसीदि = फेतुत । कथेसि = कन ।
आयकम्मिको = बहिदार । गहेत्त्वा = कया ।

सो खो पन सुमेध-पण्डितो सब्बसिप्पेसु निप्पत्तिं पत्त्वा विहरति । तस्स तरुण-काले एव माता पितरो कालमकंसु (कालं अकंसु) अथ सो मातापितुन्नं धनस्स सामिको अहोसि । एक दिवसं सुमेध पण्डितो नहायित्वा आगन्त्वा आसने निसीदि । अथ अस्स आयकम्मिको समीपे ठत्त्वा तस्स हत्थे आय-पोत्थकं दत्त्वा कथेसि । सामि, तुम्हाकं पितु-सन्तिकं बहुं धनं अत्थि, मातु-सन्तिकं च बहुं अत्थि । तेसु सुवण्ण-रजतादीनं गणानापि नत्थि तं सब्बं तुम्हाकं एव भारो । तस्मा तं धनं पटिपज्जाहीति ॥

अथ सुमेधो एवं चिन्तेसि- “मह्यं मातापितरो कालमकंसु । ते एतेसु धनेसु एकम्पि कहापणं गहेत्वा परलोकं नगता । अहं पन तं सब्बं गहेत्वा गच्छामीति” नगरे भेरिं चरापेत्वा महाजनस्स दानं अदासि ॥

(पदमाला)

अस्समो = आश्रम

परिस्स = खन (बहुवचन-परिस्संसु)

पब्बज्जि = प्रव्रजित जुल ।
(बहुवचन पब्बज्जिंसु)

इदानि = आः ।

तथा = वथेंतु ।

उक्कण्ठिता = दिक्दार जुया ।

विजहित्वा = तोता ।

तेरसमो पाठो

ददमानो = दान व्युं व्युं ।
च्वच्वं ।

गच्छमानो = वना च्वं च्वं ।

ओलोकयमानो = स्वया

मोदमानो = खुशी प्रसन्न जुया ।

रक्खमानो = रक्षा यायां ।

पटिलभि = प्राप्त जुल ।

विस्सज्जेत्वा = त्याग याना ।

समन्ता = छ्चा खेरं ।

चडुमं = चंक्रमण ।

पण्णसालं = पर्णशाला ।

सो एवं अत्तनो सब्बं धनं विस्सज्जेत्वा दानं अदासि, तथा ददमानो महन्तं सोमनस्सं पटिलभि । गीहिवासे उक्कण्ठित्वा पासादम्हा निक्खमित्वा हिमवन्तं अगमासि । तथा गच्छमानो धम्मकं नाम पब्बतं पत्वा समन्ता ओलोकयमानो तत्थ एकं अस्समं परिस्स । सो अस्समो केन निम्मितो, सो विस्सकम्मुना देव-पुत्तेन निम्मितो अहोसि । तत्थ पण्णसाला च, चडुमं च, अहेसुं तथा सब्बानि तापसपरिक्खरानि च ॥

सुमेध-पण्डितो तं सब्बं दिस्वा मोदमानो गीहिवासं विजहित्वा तापस-वेसं गहेत्वा इसि पब्बज्जं पब्बज्जि । इदानि सुमेधपण्डितो तापसो जातो । सो पुब्बे सुमेध कुमारो च, ततो पच्छा सुमेध-पण्डितो इति च पसिद्धो अहोसि । इदानि सुमेध तापसो जातो । सो तत्थ सीलं रक्खमानो अट्ठासि ॥

(पदमाला)

चारिकं = चारिका ।

निमन्तेति = निमन्त्रणा यात ।

गन्धं = सुगन्ध ।

निमन्तेत्वा = निमन्त्रणा याना ।

पंसु = धू ।

निब्बत्तेसि = प्राप्त यात ।

वालुक = फि ।

पुनदिवसे = कन्हे खुन्हु ।

चुद्दसमो पाठो

चरन्तो = चा ह्युं ह्युं ।

वसन्तो = च्व च्वं ।

देसेन्तो = देशना यायां ।

करोन्तो = यायां ।

अलङ्क करोन्तो = (अलङ्कृत याना)

गच्छन्तो = वना च्वं च्वं ।

पक्खन्तो = तथा च्वं च्वं ।

उदपादि = उत्पन्न जुल ।

अनुपुब्बेन = छ्चसिं कथं ।

लोकहितं = लोक हित ।

स्वातनाय = कन्हेसिया लागी ।

।

पक्कमिंसु = लिहाँ वन ।

अदंसु = विल ।

आहरित्वा = हया ।

अथ सो पब्बज्जं लभित्वा सत्त-दिवसानं अब्भन्तरे एव अट्ठसमापत्तियो पञ्चअभिञ्जायो च निब्बत्तेसि । तस्मिं काले दीपङ्करो नाम सम्बुद्धो लोके उदपादि । तदा जम्बुद्विपे रम्मकं नाम नगरं अहोसि । तत्थ सुदस्सनं नाम महाविहारं अत्थि । सो खो पन तथागतो अनुपुब्बेन चारिकं चरन्तो तं रम्मकं नगरं पत्वा महाजनस्स धम्मं देसेन्तो लोकहितं करोन्तो तस्मिं महाविहारे वसति । रम्म नगरे वसन्ता मनुस्सा गन्धं च पुप्फं च गहेत्वा विहारं गन्त्वा तथागतं पूजेत्वा स्वातनाय निमन्तेत्वा पक्कमिंसु ।

ते पुनदिवसे दानं सज्जेत्वा नगरं अलङ्करोन्ता मग्गं समं करोन्ति । तस्मिं काले सुमेध-तापसो आकासेन गच्छति । तथा गच्छन्तो ते मनुस्से दिस्वा तं पवत्तिं सुत्वा एव माह - “मह्यं च एकं कोट्टासं देथ ।

अहमिपि मगं अलङ्करोमि'ति । अथ ते तस्स एकं दुक्कर कोट्टासं अदंसु । सो पंसुं आहरित्वा तत्थ पक्खिपन्तो मगं समं अकासि ।

(पदमाला)

विरोचन्तो = जाज्वल्यमान जुया
आगच्छन्तो = वया च्वंगु बखते
निक्लेशी
सक्कोति = फु

मुञ्चन्तो = तोता
तथा अपि = अथे जूसा नं
सद्धिं = नापं

मदन्तो = न्हया
खीणासवो = अरहन्त,

पञ्चदसमो पाठो

पटिपज्जि = आचरण यात
सोधेतुं = शुद्ध यायेत
अजीनचम्मं = मृग चर्म
ककलं = भ्यात्ना

गन्तुं = वनेत
कातुं = यायत
वाकचीरानि = वल्कर चीवर
पिट्ठिं = जँनफा

निट्ठापेतुं = पूर्ण यायेत
पापुणितुं = थ्यंकेत
सेतुं = ता

दीपङ्करो दसबलो भिक्खूहि परिवारेत्वा नगरं गन्तुं आगच्छति । तथापि सुमेध-तापस्स मगं कोट्टासं निट्ठापेतुं न सक्कोति । अथ सो एवं चिन्तेसि- “अयं अमत्तकं तथागतो सुरियो विय विरोचन्तो खीणासवेहि भिक्खूखि सद्धिं इमं मगं पटिपज्जि । मह्यं मगं-कोट्टासमिपि सोधेतुं नासक्खि (न असक्खि) तस्मा अहं अज्ज दसबलस्स जीवित-दानं कातुं वट्टति'ति । भगवा इमं कललं माअक्कमतु । ममपिट्ठि एव मदन्तो भिक्खु संघेहि सद्धिं गच्छत्तूति चिन्तेत्वा अत्तनो केसे मुञ्चन्तो अजिनचम्मं च वाकचीरानि च कलले अत्थरित्वा सेतु विय कलल-मत्थके निपज्जि ।

निपज्जित्वा च पन सो तापसो आगच्छन्तं दसबलं दिस्वा एवं पत्थनं करोति “इमिना मे जीवितदानेन अयं दीपङ्करो दसबलोविय दसबलोविय सम्बोधिं पापुणितुं सक्को भवेय्यं ॥ यथा अयं बुद्धो बुद्धभावं पत्त्वा खीणासवेहि परिवारेत्वा लोकस्स धम्मं देसेन्तो विचरति । तथा अहमिपि समत्थो भवेय्यन्ति ।

(पदमाला)

कथेतुं = धायेत
निसीदितुं = फेत्वीत
उपधारेत्वा = विचार याना

सल्लपितुं = खँ ल्हायेत
भुञ्जितुं = नयेत

लिखितुं = च्वयेत
पसंसित्वा = प्रशंसा याना

सोलसमो पाठो

भविस्सति = जुइ, प.पु.
भविस्ससि = जुइ, म.पु.
भविस्सामि = जुये, उ.पु.
उदाहु = अथवा
मञ्जमानो = मतीततं
वन्दित्वा = वन्दना याना

भविस्सन्ति = जुइ (बहु वचन)
भविस्सथ = जुइ (बहु वचन)
भविस्साम = जुये (बहु वचन)
समिज्झस्ससि = पूर्ण जुइ
व्याकासि = भविष्यवाणी याना विज्यात
पत्थेत्वा = प्रार्थना यात

दीपङ्करो भगवा तं ठानं पत्त्वा सुमेध-तापसं दिस्वा “अयं तापसो बुद्ध भावं पत्थेत्वा कलल-मत्थके निपज्जति । समिज्झति नुखो इमस्स पत्थना उदाहु नोति । अनागतं प्राणेन उपधारेत्वा परिस-मज्झे एव व्याकासि-” अयं तापसो इतो कप्पसतसहस्स-अधिकानं चतुन्नं असडुखेयानं मत्थके गोतमो नाम बुद्धो भविस्सति । पिता सुद्धोदनो नाम राजा भविस्सति । माता महामाया नाम देवी । सारिपुत्तो च मोग्गल्लानो च अगग-सावका भविस्सन्ती' ति ।

अथ तापसो तं सुत्वा अतीव सोमनस्सो हुत्वा सम्मासम्बोधिं तं खणे एव लद्धं विय मञ्जमानो अट्ठसि । महाजनो'पि दीपड्कर-दसबलस्स तं वचनं सुत्वा "महाबोधिसत्त, यदा त्वं बुद्धो भविस्ससि । तदा मयम्पि तव सन्तिका मग्गफलं लभित्वा निब्बानं पापुणितुं भविस्सामाति पत्थनं ठपेसि ।

दीपड्कर-तथागतो पनेव (पन एवं) सुमेध तापसस्स नियत-ब्याकरणं दत्वा पसंसित्वा पदक्खणं कत्वा पक्कामि । ते पि खीणासवा बोधिसत्तं गन्धेहि च पुप्फेहि च पूजेत्वा पदक्खणं कत्वा पक्कमिंसु । देव मनुस्सा च तथेव वन्दित्वा पूजेत्वा अगमंसु ।

(पदमाला)

पल्लड्कं आभुजित्वान = मुलपचिं थ्याना
सब्बथा = सकल प्रकारं

नमस्सित्वान = नमस्कार याना
तावदेव = उगु क्षणे

सत्तदसमो पाठो

विचिनन्तो = माला स्वःगु बखते

ओभासन्ति = जाज्वल्यमान जुयाच्चन

छणो = उत्सव

अञ्जथत्तं = मेगु प्रकारं

तिण्णो = उत्तीर्ण

धुवं = निश्चयनं

सन्तारेस्सामि = तरे याये

अट्टेज्जवचना = छगू जक वचन

पातुभूतानि = प्रकट जुल

पीलितं = पीडा कष्ट जुयाच्चंपित

- (१) यदा एसो बोधिसत्तो, विचिनन्तो'व पारमी ।
पल्लड्कं आभुजित्वान, निसीदि पुप्फ मत्थके ॥
- (२) तदा देवगणा तत्थ, समागन्त्वा ततो ततो ।
नमस्सित्वान सन्तुट्ठा, एवं आहंसु तापसं ॥
- ३) महापुरिस तुम्हाकं, इज्जिस्सति मनोरथो ।
यता पुब्बं निमित्तानि, पातुभूतानि सब्बथा ॥
- (४) ओभासति दिसा सब्बा, मङ्गलो वत्तते छणो ।
निद्दक्खा अभया जाता, सब्बे सत्ता पमोदिता ॥
- (५) तं सुत्वा सो महाबोधि, सत्तो चिन्तेसि तावदे ।
सम्बुद्धा नाम अट्टेज्ज, वचना ह्यन्ति सब्बदा ॥
- (६) अञ्जथत्तं तथा तेसं, कथासु न कदाचिपि ।
तस्मा अहं धुवं बुद्धो, भविस्सामि अनागत ॥
- (७) तिण्णो हुत्वा अहं तवि, संसारस्मा महब्भया ।
सन्तारेस्सामि जनतं, नेक दुक्खेहि पीलितन्ति ॥

(वाक्य सम्बन्धोयं)

- (१) यदा एसो बोधिसत्तो पारमी विचिनन्तो एव
पल्लड्कं आभुजित्वान पुप्फ मत्थके निसीदि ।
- (२) तदा देवगणा ततो ततो (द्वानतो तत्थ समागन्त्वा
संतुट्ठा नमस्सित्वान तापसं एवं आहंसु ।
- (३) महापुरिस, यतो पुब्बनिमित्तानि सब्बथा पातु

भुतानि (ततो) तुम्हाकं मनोरथो इज्झिस्सति ।

(४) सब्वादिसा ओभासति, मङ्गलो छणो वत्तते
सब्बेसत्ता निद्दुक्खा अभया पमोदिता जाता ।

(५) तं सुत्वा सो महाबोधिसत्तो तावदे चिन्तेसि,
सम्बुद्धानाम सब्बदा अद्वेज्झ वचना होन्ति ।

(६) तथा तेसं कथासु अञ्जथत्तं कदाचिपि
न (होति) तस्मा अहं अनागते धुवं बुद्धो भविस्सामि ।

(७) अहं ताव महब्भया संसारस्मा तिण्णो हुत्वा नेकदुक्खेहि
पीलितं जनतं (संसारस्मा) सन्तारेस्सामीति ।

(पदमाला)

कपणो = गरीब

याचको = फ्वरिगं

वालधि = न्हियं

उपधायरमानो = विचार याना स्वःस्वं

लभितुं = प्राप्त यायेत

पग्घरति = वा वयाच्चन

अद्वारसमो पाठो

उपलभिय = प्राप्त याना

ओलोकिय = स्वया

सन्निट्ठान = अधिष्ठान

अण्डं = खँ

चमरीमिगो = च्चामोसा

परिच्चजिय = त्याग याना

अभिविजिय = त्याका

परिपूरिय = पूर्ण याना

सेवितं = सेवन याःगु

निकुज्जितो = भोप्वीकीगु बखते

किकी = किकी धयाम्ह भंग

परिरक्खिय = रक्षा याना

एवं नियत व्याकरणं उपलभिय सन्तुट्ठो सो महासत्तो सकल किलेसे अभिविजिय धुवं बुद्धो भविस्सामीति सन्निट्ठानं कत्वा बुद्ध कारकधम्मो उवधारेन्तो अट्ठासि । बुद्धभावं लभितुं इच्छन्तेन पन पारमी धम्मं न परिपूरिय तं लभितुं न सक्का । तस्मा के ते बुद्धकारक धम्माति उपधारयमानो पुब्बे बोधिसत्तेहि सेवितं दान पारमिं पठमं अट्ठस । “यथानाम उदक घटो निकुज्जितो सब्बं उदकं पग्घरति । विन्दुमत्तम्पि नतिट्ठति” एवं अत्तनो धनं वा पुत्तदार वा सरीरं वा न ओलोकिय तं सब्बं कपणा नंच याचकानं च परिच्चजिय बुद्धो भवितुं सक्काति पठमं दान पारमि अधिट्ठासि ।

अथ अञ्जम्पि बुद्ध-कारक धम्मं विचिनन्तो दुतियं सील पारमिं अट्ठस । दिस्वा अस्स एतदहोसि ॥ सुमेध तापस, यथा नाम चमरीमिगो जीवितम्पि अनोलोकिय अत्तनो वालधिं रक्खति, किकी च अण्डं रक्खति । तथाएव त्वमि सीलं परिरक्खिय बुद्धो भविस्सतिति दुतियं सील पारमिं दिस्वा तं च दल्लं कत्वा अधिट्ठासि ।

(पदमाला)

बन्धनागार = भूयालखाना (जेल)

इरियापथो = इर्यापथ

भिक्षन्तो = भिक्षा वनेगु बखते

सल्लक्खेसि = लुमंकालतल

विवज्जिय = तोता

पग्घरति = वा वयाच्चन (बहु, सल्लक्खेसुं

एकूनविसतिमो पाठो

उपधारेतुकामो = विचार यायेगु मन जुया
 अ, वसितुकामो = च्वनेगु इच्छा मजुया
 मुञ्चितुकामो = मुक्त जुइगु इच्छा जुया
 चरितुकामो = वनेगु इच्छा जुया
 दल्लविरियो = क्वातुगु विर्य
 अपरं = मेगु

पलायितुकामो = विस्युं वनेगु मन जुया
 गन्तुकामो = वनेगु मन जुया
 पविसितुकामो = द्वाहाँ वनेगु इच्छा जुया
 उत्तरिं = वयां च्वे
 पञ्हं = प्रश्न
 घरपटिपाटिया = छँखा लिस्य

अथ सुमेध तापसो उत्तरिं अपि उपधारेतुकामो हुत्वा अञ्जं बुद्ध-कारक-धम्मं-विचिनन्तो ततियं नेक्खम्म पारमिं अद्दस । यथा नाम बन्धनागारे वसन्तो पुरिसो तत्थ आलयं न करोति, ततो पलायितु कामो एव होति, तत्थ अवसितुकामो हुत्वा येन केन चि उपायेन गन्तुकामो एव होति, तथा बन्धनागार समानेहि सब्ब-भवेहि मुञ्चितुकामो हुत्वा नेक्खम्मं परिपूरेतं वट्टति 'ति अधिद्वासि ।

ततो अपरं ओलोकेन्तो चतुत्थिं पञ्जा-पारमिं दिस्वा, यथा पिण्डाय चरितुकामो भिक्खु उत्तम कुलेसु च मज्झिम कुलेसु च हीन-कुलेसु च किञ्चि नविवज्जय घर पटिपाटिया भिक्खन्तो भिक्खं लभति । एवमेव सम्मासम्बोधिं पविसितुकामोपि सब्ब-पण्डिते उपसङ्कमित्वा पञ्हं पुच्छन्तो-विसज्जन्तो च नाना गन्थं वाचेन्तो च पञ्जाय पारमिं गन्तुं वट्टती ति तं च अधिद्वासि ।

ततोपि उपधारयमानो पञ्चमि विरिय-पारमि पस्सि । सब्बेसु इरियापथेसु दल्ल विरियो सीहो विय सब्ब इरियापथेसु सब्बेसु कुसल-धम्मेसुच दल्लविरियो एव हुत्वा बुद्धो भविस्सती'ति । तं च अधिद्वासि ।

(पदमाला)

सुचि = शुद्धगु वस्तु
 अवमाननं = अपमान
 पटिलोमं = क्वं निसें च्व क्वथ्यंक्

सम्माननं = सन्मान
 पटिपदा = आचरण
 कुलालचक्कं = कुम्हाया घच्चा

भिक्खन्तो = भिक्षा वनेगु
 अनुलोम = च्वनिसें
 अधिवासेति = स्वीकार यात

वीसतिमो पाठो

भवितब्बं = जुइ माः
 कातब्बो = यायेमाः
 सीतभाव = ख्वाउँगु भाव
 कित्तकं = गुलि
 सम्पजानमुसा = सीक सीकं भूठ खँ ल्हायेगु

उपधारेतब्बं = विचार याये माः
 पूरेतब्बा = पूर्ण यायेमाः
 यत्तकं = गुलि
 एत्तकं = थुलि

खमितब्बं = सहयायेमाः
 गन्तब्बो = वनेमाः
 तत्तकं = उलि
 पटिपज्जितब्बो = आचरण यायेमा
 फरति = फैले जुल

एवं पञ्चपारमियो दिस्वा एत्तकेहि एव बुद्धकारक धम्मेहि न भवितब्बं, अञ्जम्पि मया उपधारेतब्बन्ति परिसेयन्तो छट्ठं खन्तिपारमिं च सत्तमं सच्चपारमिं च अद्दस । यथा नाम पठवियं यत्तकं सुचिं वा असुचिवा पक्खपति । तत्तकं पठवी अधिवासेति, पेमं वा कोपं वा न करोति । कित्तकं पक्खत्तन्ति'पि न जानाति । तथा बुद्धभावं पत्थेनते नापि सम्माननं च अवमाननं च खतिब्बं । कोधो न कातब्बोति खन्तिपारमिं सल्लक्खेसि । धन आदिं निस्साय सम्पजानमुसा अवत्वा सच्चवाचा एव कथे तब्बाति सच्चपारमि च अधिद्वाय, ततो उत्तरिम्प ओलोकेन्तो अट्टमं अधिद्धानपारमिं दिस्वा यथा पब्बतो सब्बदिसासु वातेहि पहटोपि न कम्पति न चलति, एव मेव अधिद्वाहीति अधिद्धानपारमिं दल्लं कत्वा अधिद्वासि । अथस्स ततो उत्तरिम्प उपधारयतो नवमं मेत्तापारमिं दिस्वा सुमेधपण्डित, त्वं हित कामेसुपि अहित कामेसुपि एकचित्तोव भवेय्यासि । यथा उदकं नाम पापजनस्सापि कल्याणजनस्सापि सीतभावं सदिसं कत्वा फरति । तथा सब्बसत्तेसु मित्ताचित्तेन एकचित्तोव हुत्वा वसेय्यासीति मेत्तापारमिं दल्लं कत्वा अधिद्वासि ।

अथ अस्स न एत्तकेहेव बुद्ध-कारक धम्मोहि भवितव्वन्ति उत्तरिम्पि उपधारयतो दसमं उपेक्खा पारमिं दिस्वा एतदहोसि । सुमेधपण्डित, त्वं इतो पट्टाय सुखेपि दुक्खेपि मज्झतो भवेय्यासि । यथा पठवीनाम सुचिम्पि असुचिम्पि पक्खियमानो मज्झतो व होति । एवमेवत्वम्पि सुखित दुक्खिते सत्तेपि मज्झतो व होहीति । दसमं उपेक्खा पारमिं दल्हं कत्वा अधिद्वासि ।

इति इमा दसपारमियो सम्मसित्वा इमस्मिं लोके बोधिसत्तेहि पूजेतव्वा बुद्धकारक धम्मा एत्तका एव, न इतोपरं, तस्मा मयं अयमेव (अयं एव) मग्गो पटिपज्जितव्वो । इमाय एव पटिपदाय गन्तव्वो इमा दस पारमियो पहाय बुद्धभावं पापुणितुं अञ्जो मग्गो नाम नत्थीति अनुलोमं पटिलोमं च पुनप्पनं तमेव (सब्बं) दल्हं अधिद्वाय सम्मसन्तो अद्वासि । तस्मिं दसपारमियो सम्मसन्ते अयं महापठवी कुलाल चक्कं विय कम्पमाना अहोसि ।

(पदमाला)

दीप = द्विप

आयु = आयु

चक्कवालं = चक्रवाल

कुच्छि = प्वाः

पटिञ्जा = प्रतिज्ञा

अत्तभावो = शरीर

एकवीसतिमो पाठो

सक्कतो = सत्कार याका

ठितो = च्वन

भिक्षाय = भिक्षया लागी

सूलेहि = सूलिं

न कुप्पामि = तंमम्बेका

तरन्तस्स = तरेजूम्ह

अनतिवत्तन्तो = अतिक्रम मयास्य

बुज्झस्सु = थ्वीका विज्याहुं

भस्त = छ्यंगू म्हिचा

अधिवासेत्वा = स्वीकार याना

अनुरक्खन्तो = रक्षा यायां

मेत्तायन्तो = मैत्री बढे यायां

पवने = जंगले

छवट्टिक = कं ल्हाय् यात

पूजितो = पूजा याका च्वंम्ह

चुतो = मृत्यु जुल

उपगत = लिक्क वोम्ह

विज्झयन्तोपि = सूसानं

लग्ग = प्येपुनेगु

अञ्जथा = मेकथं

गामण्डला = गांयापिमस्त

तारयस्सु = तरे याना विज्याहुं

पञ्चमहाविलोकनं = न्यागू महाविलोकन

तिखिणेन = जःगु

वतं = व्रतयात

उत्तसति = त्रास जुल

रमामि = न्ह्याइपु तायाच्वना

उपनिधाय = फुंग याना

गतो = वन

सत्तीहि = शस्त्रं

सक्कतानं = थःगुज शरीरयात

कोट्टियन्तो पि = पाःसानं

दुक्खा = दुःखं

निट्ठुभनादि = ईफायेगु आदि

याचिंसु = फ्वन

विलोकेत्वा = स्वया

फरसुना = पां

नदेस्सा = मैत्रीभाव मस्यंका

उपत्थद्धो = निरोगजुया

उपहारादि = लिक्क हयेगु आदि

ततो देवेहि च मनुस्सेहि च सक्कतो पूजितो सो सुमेध तापसो तम्हा आसना उद्वाय आकासेन हिमवन्तं एव गतो । आयुनो परियोसाने ब्रम्हलोके उप्पज्जि । ततो पट्टाय कप्पसतसहस्सअधिकानि चत्तारि असंख्येयानि दसपारमियो पूरेन्तो दीपङ्कर आदीनंचतुवीसतिया बुद्धानं सन्तिके अधिकारं कत्वा अनेकानि लोकहितानि अकासि । (तत्थ हि बोधिसत्तो तेसु तेसु अत्तभावेसु-दानपारमी भावेन पूरित अत्तभावानं परिमाणं नाम नत्थि । एकन्तेन पन एसो बोधिसत्तो ससपण्डित काले भिक्षाय उपगतं दिस्वा सकं अत्तानं परिच्चजित्वा दानपारमिं पूरेति ।

तेनाह-

भिक्षायुपगतं दिस्वा, सकत्तानं परिच्चजिं ।

दानेन मे समोनत्थि, एसा मे दानपारमीति ॥

तथा सीलपारमिताय पूरित अत्तभावानं परिमाणं नाम नत्थि । एकन्तेन पन एसो बोधिसत्तो सड्पाल काले सूलेहि विज्झयन्तोपि सत्तीहि कोट्टियन्तोपि भोज पुत्ते अकुज्झत्वा सील पारमिं पूरेति ।

तेनाह-

सूलेहि विज्झयन्तोपि, कोट्टियन्तोपिसत्तीहि ।

भोजपुत्ते न कुप्पामि, एसा मे सीललपारमीति ॥

तथा नेक्खम्मपारमिताय पूरित अत्तभावानं परिमाणं नाम नत्थि । एकन्तेन पन एसो बोधिसत्तो चूल सुतसोम काले हत्थगतं महारज्जं खेलपिण्डं व अलग्गेत्वा चजित्वा नेक्खम्मपारमिं पूरेति ।

तेनाह-

महारज्जं हत्थगतं, खेलपिण्डं व छड्डयिं ।

चजतो न होति लग्गं, एसा मे नेक्खम्मपारमीति ॥

तथा पञ्जापारमिताय पूरितत्तभावानं परिमाणं नाम नत्थि । एकन्तेनपन एसो सत्तुभत्त जातके सेनक पण्डित काले अन्तो भस्तगतं सप्पं पञ्जाय पविचिनन्तो दस्सेत्वा ब्राम्हणं दुक्खा मोचेत्वा पञ्जा पारमिं पूरेति ।

तेनाह-

पञ्जाय पविचिनन्तो, ब्राम्हणं मोचयिं दुक्खा ।

पञ्जाय मे समो नत्थि, एसा मे पञ्जापारमीति ॥

तथा विरियपारमितादीनम्पि पुरित्तभावानं परिमाणं नाम नत्थि । एकन्तेन पनेसो महाजनक काले महासमुद्दं तरन्तस्स विरियं कत्वा चित्तस्स अञ्जथा न होति ।

तेनाह-

अतीर दस्सी जलमज्जे, हतासब्बे व मानुसा ।

चित्तस्स अञ्जथा नत्थि, एसा मे विरियपारमीति ॥

तथा “खन्तीवादी काले” अचेतन भावेन विय महादुक्खं अधिवासेत्वा खन्ती पारमिं पूरेति ।

तेनाह खन्तीवादी जातके-

अचेतनं व कोट्टेन्ते, तिखिणेन फरसुना ममं ।

कासिराजे न कुप्पामि, एसा मे खन्ती पारमीति ॥

तथेव एसो बोधिसत्तो-“महासुतसोम” काले जीवितम्पि चजित्वा सच्चं अनुरक्खन्तो सच्चपारमिं पूरेति ।

तेनाह महासुत्तसोम जातके-

सच्चवाचं अनुरक्खन्तो, चजित्वा मम जीवितं ।

मोचेसिं एकसतं खत्तिये, एसा मे सच्च पारमीति ॥

तथा एसो बोधिसत्तो- “तेमिय कुमार” काले जीवितं चजित्वा वतं अधिद्वहन्तो अधिद्वानं पारमिं पूरेति ।

तेनाह-मूगपक्ख जातके-

माता पिता न मेदेस्सा, न पिदेस्सं महायसं ।

सब्बञ्जसतं पियं मह्यं, तस्मा वत मधिद्वहीन्ति ॥

तथा एव एसो एकराजा काले जीवित अन्तरायम्पि अनोलोकेत्वा मेत्तायन्तो मेत्तापारमिं पूरेति ।

तेनाह-एकराज जातके-

न मं कोचि उत्तसति, नाहं भायामि कस्सचि ।

मेत्ताबलेनु, पत्थद्धो, रमामि पवने तदाति ॥

तथा एसो बोधिसत्तो गामदारकेसु निट्ठु भनादीहिचेव मालागन्ध उपहारादीहि च सुख दुक्खं उप्पादेन्तेसुपि उपेक्खं अनतिवत्तन्तो उपेक्खापारमिं पूरेति ।

तेनाह- “लोमहंस” जातके-

सुसाने सेय्यं कापेमि, छवट्टिकं उपनिधाय ।

गामण्डला आगन्त्वा न, रूपं दस्सेन्ति अनप्पकन्ति ॥

एवं पारमियो पूरेत्वा अवसाने पन वेस्सन्तर अत्त भावे ठितो पठविं कम्पेत्वा महादानादीनि दत्त्वा ततो चुतो तुसितदेवलोके निब्बत्ति ।

तदा पन सब्बेसु चक्कवालेसु सक्क सुयाम आदयो देवता एकस्मिं चक्कवाले सन्निपतित्वा तुसित-भवने बोधिसत्तस्स सन्तिकं अगमंसु । गन्त्वा च पन एवं याचिसु “महाविर, बुद्धभावाय अयंकालो, मनुस्स-लोके निब्बत्तित्वा सम्मासम्बोधिं बुज्झस्सु, सदेवकं लोकं संसार सागरा तारस्सु, ति” ।

तेनाह-

“कालोयं ते महावीर, उप्पज्ज मातु कुच्छियं ।

सदेवकं तारयन्तो, बुज्झस्सु अमतं पदन्ति” ॥

अथ महासत्तो (कालो, दीपो, देसो, कुलं, मातु आयु-परिच्छेदोच्चाति, इमं पञ्च महाविलोकनं) विलोकेत्वा देवतानं पटिञ्चं दत्त्वा नन्दनवनं पाविसि । सो तत्थ विचरन्तो ततो चुतो महामायाय देविया कुच्छिस्मिं पटिसन्धिं गण्ह ।

(पदमाला)

पटियत्तो = युक्तगु
पुण्णमी = पुन्ही
पोतको = मचाम्ह

गहितो = ग्रहणयाःगु
अनोतत्तसरं = अनोतप्त दहं
सुपिनो = स्वप्न

वुत्तो = धाःगु
सेतो = तुयूम्ह

द्वीसतिमो पाठो

अलङ्कतो = अलङ्कार यानातःगु
आगतो = वल
निब्बतो = जन्म जुल
कीलति = मिहता च्वन
अभिरुहित्वा = गया

भूसितो = शोभायमान जुयाच्चंगु
पातो = सुथ न्हापानं
नच्चति = प्याखं हुयाच्चन
आसल्ल-उस्सवो = आषाढया उत्सव
सोण्डाय = स्वँथ

पत्ता = थ्यन
पतिट्ठितं = प्रतिष्ठित जुयाच्चंगु
गायति = म्येँ हालाच्चन
अतिक्कमि = बितय् जुयावन

तदा किर कपिलवत्थु-नगरे आसल्ल उस्सवो नाम अहोसि । महाजनो अनेकेहि आभरणेहि-नगरे आसल्ल उस्सवो नाम अहोसि । महाजनो अनेकेहि आभरणेहि अलङ्कतो भूसितो वीथीसु संचरन्तो नच्चति, गायति, कीलति च, अथ सुद्धोदन राजिनो अग-महेसी महामाया-देवी पुण्णमी दिवसे पातो एव नहायित्वा राज-भोजनं भुञ्जित्वा उपोसथ-सीलं समादिय महादानं दत्त्वा दिवाभागं अतिक्कमि । रत्तियं पन अलङ्कत पटियत्तं सिरीगम्भं पत्ता सयने निपज्जित्वा ठिता निदं ओक्कममाना इमं सुपिनं अद्वस ।

चत्तारो महाराजानो तं देविं सयनेन सद्धिं उक्खिपित्वा हिमवन्तं नेत्वा तत्थ मनोसीला-तले सालरुक्खस्स हेट्ठा ठपेसुं । तेसं देवियो आगन्त्वा महामाया देविं अनोतत्त सरे नहापेत्वा दिब्बवत्थं निवासापेत्वा दिब्ब-आभरणानि पिलन्धापेत्वा अद्वसु ।

ततो अविदूरे रजत-पब्बतो अत्थि । तस्स अन्तो सुवण्णविमानं अहोसि । तत्थ पाचिनं-सीसकं दिब्ब सयनं पञ्जापेत्वा तं निपज्जापेसुं तदा एको सेतो हत्थी पोतको सुवण्ण पब्बतम्हा रजत पब्बतं अभिरुहित्वा सोण्डाय सेत पदुमं गहेत्वा उत्तर-दिसाय आगतो सो सुवण्ण विमाने पतिट्ठितं देविया सयनं पदक्खणं कत्वा दक्खण-पस्सेन तस्सा कुच्छं गतसदिसो जातो । तस्मिं खणे एव महासत्तो देविया कुच्छिस्मिं निब्बत्तो अहोसि ।

(पदमाला)

पुप्फितो = ह्वयाच्चंगु
ओभासितो = थिना च्वंगु
पस्सारेसि = चक्कं कल

अवनतो = क्वच्छुनाच्चंगु
खग्गो = खड्ग
आरोचेसि = कन

पूरितो = जाःगु
सिबिका = पाल्की

तेबीसतिमो पाठो

जाननत्थाय = सीकेया लागि	करणत्थाय = यायेत	निवारणत्थाय = रोके यायेया लागि
गमनत्थाय = वनेत	सोधनत्थाय = शुद्ध यायेत	कीलनत्थाय = म्हितेत
गहनत्थाय = ज्वनेत	अगारे = छँ	सम्पटिच्छय = स्वीकार याना
पेसेसि = व्छत	सयएव = थः थमं हे	गम्भवुद्धानं = गर्भं
कम्मजवाता = कर्मज फय् पिहाँ वोगु	पक्कोसापेत्वा = सःतके छोया	

पुन दिवसे देवी तं सुपिनं रञ्जो आरोचेसि । राजा तस्स विपाकं जाननत्थाय ब्राह्मणे पक्कोसापेत्वा महासक्कारं कत्वा सुपिनं निवेदेसि । तं सुत्वा ते ब्राह्मणा एवं आहंसु “महाराज, देविया कुच्छिम्ह गम्भो पतिट्ठितो । पुत्तो ते भविस्सति । सचे सो अगारे वसिस्सति चक्कवत्तिराजा भविस्सति । सचे पब्बजिस्सति बुद्धो भविस्सती”ति । राजपिन सन्तुट्ठो देविया गम्भस्स आरक्खं करणत्थाय कत्तब्बं सब्बं अकासि । चत्तारो देव-पुत्ता बोधिसत्तस्स च मातुया च उपद्दव-निवारणत्थाय खग्गे धारयमाना आरक्खं गण्हंसु ।

महामायादेवी बोधिसत्तं दसमासे परिहरित्वा परिपुण्ण-गम्भा अत्तनो पितुगेहं गमनत्थाय सुद्धोदन राजिनो आरोचेसि । राजा साधूति सम्पटिच्छय मग्गं सोधनत्थाय आणापेसि । अथ देवि सुवण्ण-सिविकायं, निसीदापेत्वा अलङ्कतेन मग्गेन देवदहनगरं-पेसेसि ।

अन्तरा-मग्गेपन लुम्बिनी नाम सालवनं अत्थि । तत्थ सब्बेपि सालरूक्खा तस्मिं समये पुप्फिता अहेसुं । तं दिस्वा उय्यान-कील कीलनत्थाय देविया चित्तं उदपादि । सा साल’रूक्ख’स्स’मूलं गन्त्वा एकं साखं गहनत्थाय हत्थं पसारेसि । तदा सयंएव अवनतं साल-साखं अग्गहेसि । तं खणेएव सब्बो लोको मङ्गलेहि पुब्ब निमित्तेहि पूरितो ओभासितो च अहोसि ।

(पदमाला)

सम्पटिच्छनत्थाय = स्वीकार यायेया लागि	पविसनत्थाय = द्वाहाँ वनेया लागि
पकासनत्थाय = प्रकाश यायेया लागि	दस्सनत्थाय = दर्शन यायेया लागि
वन्दापनत्थाय = वन्दना याकेया लागि	ओतरन्तो = क्वाहाँ वोम्ह
पदवारं = पला	परिवारो = परिवार
अभिहरि = न्ह्योने यंकल	निस्संसयं = निश्चयनं

चतुर्वीसतिमो पाठो

धम्मासनतो = धर्मासनं	निस्सेणितो = स्वाहान्हें	कृच्छितो = गर्भं
हत्थतो = ल्हातिं	उय्यानतो = बगीचां	देवलोकतो = देवलोकं
पटिग्गहेसुं = फया काल	विलोकेसि = स्वल	अस्मिं-अम्हि = जुल
नदी = खुसी	ओरुह्य = गया	अञ्जलिपग्गहि = ल्हाविन्ति यात

धम्मासनतो ओतरन्तो धम्मकथिको विय निस्सेणितो ओतरन्तो पुरिसो विय च बोधिसत्तो मातुया कृच्छितो निक्खमि । ताव देव चत्तारो ब्रम्हानो महासत्तं सम्पटिच्छन्त्याय आगन्त्वा सुवण्ण जालेन पटिग्गहेतुं । अथ ब्रम्हानं हत्थतो चत्तारो महाराजानो च तेसं हत्थतो मनुस्सा च कुमारं पटिग्गहेसुं । मनुस्सानं हत्थतो मुञ्चित्वा पठविं पतिट्ठितकाले बोधिसत्तो दस दिसा विलोकेसि । विलोकेत्वा अत्तना समं कञ्चि अदिस्वा सत्तपदवारं गन्त्वा “अग्गो हंमस्मि” (अग्गो अहंअस्मि) इति आदिना सीहनादं नदि । ततो महाराजानो महन्तेन परिहारेण बोधिसत्तं गहेत्वा कपिलवत्थु नगरं पविसनत्थाय उय्यानतो निक्खमि ।

सुद्धोदन राजा पन अत्तनो पुत्तं दिस्वा अति संतुड्ढो अहोसि । “सिद्धत्थो” इति अस्स नामं अकासि । रञ्जो पन कुलुपगो कालदेवलो नाम तापसो अत्थि । सो तस्मिं दिवसे राजगहे भत्तकिच्चं कत्वा दिवा विहारत्थाय तावतिसं भवनं अगमासि । सो तत्थ वसन्तो एतं पवत्तिं सुत्वा अत्तनो पीति पकासनत्थाय तावदेव देव लोकतो ओरुह्य राजगेहं अगमासि ।

अथ राजानं दिस्वा महाराज, तुह्यं पुत्तं दस्सनत्थाय आगतो अम्हीति कथेसि । राजा अलङ्कतं कुमारं आनेत्वा तापसं वन्दापनत्थाय अभिहरि । कुमारस्स पादा परिवत्तित्वा तापसस्स जटासु पतिट्ठिंसु । तदा तापसो अनागत-जाणेण ओलोकेन्तो निस्सं-सयं एसो बुद्धो भविस्सतीति जत्वा तं खणेएव आसनतो उट्ठाय बोधिसत्तस्स अञ्जलिं पग्गणिह । राजा च तं अच्छरियं दिस्वा अत्तनो पुत्तं वन्दि ।

(पदमाला)

गीतं = म्यें हालेगु	वादितं = बाजं थाय्गु	योब्बनं = यौवन
अच्छरा = देवअप्सरापिं	परिवारयमानो = चाहुइका	ओतरन्तो = क्वाहाँ वोम्ह

पञ्चवीसतिमो पाठो

एकदा = छन्हूया दिने	यदा = गबले	तदा = अबले
सदा = न्ह्याबलें	सब्बदा = न्ह्याबलें	पकासनत्थाय = प्रकाश यायेया लागि
वेदपारगुनो = वेदंपारङ्गतपिं	समानमतिका = समान रायपिं	अनुक्कमेन = छसिकथं
सुक्कपक्खे = शुल्क पक्षे	तीसु उत्तसु = स्वंगू ऋतुइ	विनोदेसि = हटे याना व्छत

एकदा सुद्धोदन-महाराजा ब्राम्हणे निमन्तेत्वा राजभोजनं भोजेत्वा अत्तनो पुत्तस्स लक्खणनि पकासनत्थाय याचि । तेसु अट्टजना वेदपारगुनो लक्खण-सत्थे अतिसमत्था अहेसुं । ते कुमारस्स सरीर-लक्खणानि सम्मा ओलोकेसुं । अथ तेसु सत्तजना समान-मतिका हुत्वा एवं कथेसुं - “अयं कुमारो पुञ्जवा जाणसम्पन्नो च होति । इमेहि लक्खणेहि समन्नागतो अगारे वसन्तो चक्कवत्ति राजा होति । यदा अगारस्सा निक्खमित्वा पब्बजिस्सति । तदा बुद्धो भविस्सती” ति । तेसं पन सब्बेसं दहरो कोण्डञ्जो नाम ब्राम्हणो एवं आह - “इमेहि लक्खणेहि समन्नागतस्स अगारे वसितुं कारणं नत्थि । निस्संसयं एसो बुद्धो भविस्सती”ति ।

सिद्धत्थ-कुमारो पन-सुक्क-पक्खे-चन्दो विय रज्ज सिरिया अनुक्कमेन वड्ढेन्तो सोलसमं वस्सं सम्पापुणि । पिता पन अस्स वसनत्थाय रम्मं, सुरम्मं सुभं इति तयो पासादे कारेत्वा अदासि । योब्बनं

सम्पतस्स अत्तनो पुत्तस्स सुप्पबुद्ध-राजिनो धीतरं यसोधरादेविं अगमहेसिं कत्वा अदासि । नाटक इत्थियो च उपठ्ठपेसि । अच्छराहि परिवुतो देवोविय नाटक इत्थीहि परिवुतोसिद्धत्थ-कुमारो गीतेहि वादितेहि च परिवारयमानोतीसु उत्तसु तीसु पासादेसु वसन्तो महासम्पतिं अनुभवि ।

अथ एकदा ज्ञातीनं अन्तरे अयंकथा उदपादि । सिद्धत्थो किञ्च सिप्पं न जानाति, सदा तूरियेहि कीलयमानो वसति । युद्धे सम्पते किं करिस्सती”ति । तं सुत्वा सिद्धत्थोकुमारो सिप्पं दस्सेतुं अञ्जदा नगरे भेरिं चरापेत्वा महाजनस्स मज्जे अञ्जेसं असाधारणं अच्छरियं सिप्पं दस्सेत्वा ज्ञातीनं संसयं विनोदेसि ।

(पदमाला)

सारथी = म्ये सारथी

रोचयमानो = प्रसन्न जुया

अत्थंगतो = बिना वन

उक्कण्ठतो = दिक्कदार जुया

धिरत्थु = धिक्कार

नियोजेसि = लगे यात

छब्बीसतिमो पाठो

अदिट्ठता = म्ये सारथी

गतत्ता = वंगुलिं

द्वित्तता = च्वना च्वंगुलिं

निब्बिण्णत्ता = म्हाइपु ताइम्ह

आणत्तत्ता = अह्ययागु निम्मितं

जराजिण्णं = जराजीर्णं

पत्तत्ता = थ्यंगुलिं

जातत्ता = उत्पन्न जूगुलिं

पसन्नत्ता = प्रसन्न जुगुलिं

संविग्गो = संवेग जुया

व्याधितं = रोगं ग्रस्तम्ह

अञ्जासि = सीकल

एक दिवसं बोधिसत्तो अलङ्कतेन अस्सरथेन उय्यानं गच्छन्तो अन्तरामग्गे एकं जराजिण्णं पुरिसं अद्दस । तादिसं रूपं पुब्बे अदिट्ठता अतीव विम्हयं पत्वा सारथिं पुच्छ - “को नाम एसो पुरिसो, इति” । “सामि एसो पुरिसो अपि अम्हेविय मनुस्सो ।” अथ कस्मा एतस्स केस-आदयो अञ्जेसं विय न होन्ती ति । सामि, आयुनो अतिककन्त भावं गतत्ता पच्छिमे वयसि द्वित्तता एतस्स केस-आदयो अञ्जेसं विय न होन्ति । जिण्ण भावं पत्तत्ता कम्पमानो एव गच्छती”ति ।

अथ महासत्तो “धिरत्थु वत जातिया, जातत्ता एव सत्तस्स जरा भविस्सती” ति संविग्गो उय्यानं अगन्त्वा ततो एव पटिनिवत्तित्वा पासादं गतो । पुन एक दिवसं तथा एव उय्यानं गच्छन्तो देवताहि निम्मितं व्याधितं पुरिसं च अञ्जदा मतरूप च दिस्वा पुब्बे वुत्तनयेन पुच्छित्वा “अहो सत्तानं सुखं नाम नत्थी” ति । चिन्तेत्वा संसारे उक्कण्ठतो ततो निवत्तित्वा गेहं अगमासि ।

अपरं पन एकदिवसं तथा गच्छन्तो पब्बजित रूपं दिस्वा तस्मिं पसन्नो पब्बज्जं लभितुं रूचिं उप्पादेत्वा उय्यानं अगमासि । सो तत्थ दिवसभागं कोलित्वा पोक्खरणीयं नहायित्वा मङ्गल सीलातले निसीदि । तं खणे एव सक्कस्स आसनं उण्ह-आकारं दस्सेसि । सक्को “किं नु खो इति ओलोकेन्ता पुब्बनिमित्तानि दिस्वा संसारे निब्बिण्णत्वा महासत्तो पब्बजा-वेसं रोचयमानो तिद्वित्ति, तस्मिं पसन्नत्ता अज्ज रत्तिभागे एव सो महाअभिनिक्खमणं करिस्सति” इति अञ्जासि ।

अथ विस्स-कम्मं देवपुत्तं आमन्तेत्वा “सम्म, अयं सिद्धत्थ-कुमारस्स पच्छिमो अलंकरणकालो । तस्मा त्वं गन्त्वा दिब्बआभरणेहि तं अलंकरोहि” इति नियोजेसि । ततो सक्केन आणत्तत्ता विस्स-कम्मदेवपुत्तो तं दानं पत्वा दिब्बमयेहि वत्थआभरणेहि सिद्धत्थ कुमारं अलं-करि ।

(पदमाला)

उक्कण्ठतत्ता = दिक्कदार जूगुलिं

अभिरुहि = गल

अनभिरतत्ता = न्ह्याइपु मतागुलिं

आमकसुसानं = सीम्ह वाञ्छया तइगु श्मशान

विप्पकार = बिकार

भियोसोमत्ताय = प्रमाणं अप्वः

सत्तबीसतिमो पाठो

सासनं = खबर (पत्र)	मुत्ताहारं = मोतिमाः	सुसिक्खिता = बाँलाक तालिम यानातःपिं
पग्घरितखेला = लाः स्वस्व वःपिं	उम्मारे = लुखा खलुइ	पहिणि = व्छत, व्छल
नत्तुस्स = छय् यात	पेसेत्वा = व्छया	कप्पेहि = तयार या
विप्पलपन्तियो = न्ह्यले हालाच्चपिं	विंवटमुखा = म्हुतुचालाच्चपिं	अपगतवत्था = वसः छखेलापिं

तस्मिं समये “यसोधरा देवी पुत्तं विजाता” इति सुद्धोदन-राजा महासत्तस्स सासनं पहिणि । तं सुतवा सिद्धत्थ-कुमारो “राहु जातो बन्धन जातं” इति आह तेन वचनेन सुद्धोदन-राजा अत्तनो नत्तुस्स राहुलो इति नामं अकासि ।

बोधिसत्तो अपि खो रथं आरुह्य उय्यानतो आगच्छन्तो किसानोत्तमिया नाम कुमारिया कथितं निव्वुतपदं सुतवा सन्तुद्धो तस्सा अत्तनो मुत्ताहारं पेसेत्वा पासादं अभिरुहि । तावदेव नच्च-गीत आदीसु सुसिक्खिता अच्छरायो सदिसा नाटक-इत्थियो नानातूरियानि गहेत्वा बोधिसत्तं परिवारेत्वा नच्चं च गीतं च वादितं च पयोजयिंसु ।

तदा बोधिसत्तो कामेसु उक्कण्ठितत्ता नच्च आदिसु अनभिरतत्ता च तेसु अस्सादं अकत्वा निदं ओक्कमि । अथ ता इत्थियो अपि तूरियानि तत्थ तत्थ एव ठपेत्वा निदायिंसु । थोकं कालं अतिक्कम्म बोधिसत्तो पबुज्झित्वा ओलोकेन्तो निदायन्तीनं तासं इत्थीनं विप्पकारं अद्दस ।

तासु एकच्चा इत्थियो दन्तेन खादन्तियो एकच्चा पग्घरित-खेला, एकच्चा विप्पलपन्तियो, एकच्चा विंवटमुखा एकच्चा अपगत-वत्थाय हत्वा निदायिंसु । एतं विप्पकारं दिस्वा सो भीयोसोमत्ताय कामेसु उक्कण्ठितो अहोसि । अलङ्कतं राजभवनं कुणप भरितं आमक-सुसानं विय तस्स उपट्ठासि । पब्वज्जं निस्साय अतिविय चित्तं नमि । तस्मा “अज्ज एव मया अभिनिक्खमणं कातुं वट्ठति” इति चिन्तेसि । ततो सयनतो उट्ठाय छन्नं नाम अमच्चं आमन्तेत्वा एकं अस्सं कप्पेहि, इति आह ।

अथ अत्तनो पुत्तं राहुल-कुमारं पस्सितुं अगमासि । गब्भ-द्वारस्स उम्मारे एव ठत्वा मातुया समीपे निपन्नं पुत्तं पस्सित्वा छन्नेन सह कन्थकस्स नाम अस्सस्स पिट्ठं अभिरुहित्वा महा-अभिनिक्खमणं निक्खमि ।

(पदमाला)

दुम्मनो = दुःखीगु मन	अत्थिको = माःम्ह, इच्छादुम्ह	वारेतुं = पनेत
उप्पतित्वा = तिन्हुया	पटिच्छापेसि = स्वीकार	ओरुह्य = क्वहाँ वया

अट्टबीसतिमो पाठो

मानिक्खमि = पिहाँ वने मते	माचिन्तयि = चिन्तना याये मते	मा भायि = ग्याय् मते
मा सोचि = शोक याये मते	मा अहोसि = जुइ मते	मा पब्वजि = प्रब्रजित ज्वीमते
अद्धा = निश्चय नं	निग्गह्य = दबे याना	एकरत्तेन = चच्छं
अट्टउसभवित्थारा = च्यागू उसभ विस्तरगु, तव्यागु		पारमतीरे = उखे पारी
अस्सासेत्वा = धैर्यं बिया		

तस्मिं समये मारो बोधिसत्तस्स अभिनिक्खमणं वारेतुं आगन्त्वा आकासे ठितो एवं आहः-

“मानिक्खमि महावीर, इतो ते सत्तमे दिने ।

दिब्बतु चक्करतनं, अद्धा पातु भविस्सति” इति ॥

अथ बोधिसत्तो आह, “त्वं को असि ?” इति । “अहं वसवत्तिमारो” इति, “मार, अहं चक्क-रतनस्स पातुभावं जानामि । तथा अपि अहं चक्कवत्ति रज्जेन न अत्थिको इति माचिन्तयि । जनं संसारतो तारेतुं बुद्धो भविस्सामि” इति मारं निग्गह्य देवता हि कतेन महन्तेन सक्कारेण अगमासि । एवं गच्छन्तो एकरत्तेन एव तिसं-योजनं गन्त्वा अनोमं नाम गङ्गा-तीरं पापुी पन गङ्गा अट्ट-उसभ वित्थारा होति । बोधिसत्तो “मा सा खो

भायि छन्न इति छन्नं अस्सासेत्वा तं अस्सस्स वालधिं दल्लं गाहापेत्वा अस्सस्स सञ्जं अदासि । तुरगो उप्पत्तित्वा पारीम-तीरे अट्ठासि ।

अथ महासत्तो अस्स-पिट्ठितो ओरुह्य वालुका तले ठत्वा छन्नं आमन्तेत्वा आह । “मा सोचि छन्न, दुक्खी दुम्मनो मा अहोसि, अहं पब्बजिस्सामि, त्वं मह्यं आभरणानि आदाय नगरं गच्छ, ।” इति सामि, अहं अपि पब्ब जिस्सामि ”इति । त्वं मा पब्बज्जिं, इमानि आभरणानि च कन्थकं च गहेत्वा गच्छ, ” इति त सब्बं तस्स पटिच्छापेसि ।

ततो बोधिसत्तो दक्खिणा हत्थेन असिं गहेत्वा सयं एव अत्तनो केसे छिन्दित्वा, ‘सचे अहं बुद्धो भविस्सामि आकासे तिट्ठु, नोचे भविस्सामि भूमियं पततु इति केस-कलापं आकासे खिपि । सक्को देवराजा आकासे पतिट्ठितं तं पटिग्गहेत्वा तावतिस-देव लोकं नेत्वा चूला-मणि-चेतीय नाम अकासि । अथ घटीकार-ब्रम्हना दिन्नं अट्ट परिक्खारं गहेत्वा उत्तमं पब्बज्जा वेसं गण्हि ।

(पदमाला)

महा पधाननं = तःधंगु दुष्करचर्या
पटिक्खिपि = अस्वीकार यात

पदहितुं = अप्वः उन्नति वृद्धि यायेत
वीतिनामेसि = बिते यात

आरभि = शुरु यात
पहाय = तोता

एकूनतिसतिमो पाठो

पिण्डाय = पिण्डाचरणया लागि
निब्बानाय = निर्वाणया लागि
सत्ताहं = छगू सप्ताह
निक्खम्म = पिहाँ वया

गमनाय = वनेया लागि
बुद्धभावाय = बुद्ध ज्वीया लागि
एवरुपो = थुजोम्ह
पटिविज्झितुं = बाँलाक थ्वीकेत

सम्बोधाय = सम्यक्सम्बोधि
ज्ञानया लागि
संवत्तनिकं = उत्पन्न ज्वीगु

यस्मि पन पदेसे बोधिसत्तो पब्बज्जि, तस्मिं अनुपियं नाम अम्बवनं अत्थि । सो तत्थ सत्ताहं पीति सुखेन वीतिनामेसि । ततो राजगह नगर गन्त्वा तत्थ पिण्डाय पाविसि । मनुस्सा तस्स पब्बज्जा वेसं दिस्वा विम्हय पत्वा रञ्जो आरोचेसुं- “देव, एवरुपो नाम सत्तो नगरे पिण्डाय चरति । देवावा मनुस्सो वा को नाम एसो इति मयं न जानाम” इति । बोधिसत्ता लद्धं आहारं गहेत्वा पण्डव पब्बतस्स समीपे निसीदित्वा तं परिभुज्जितुं आरभि, राजा तं पवत्रिं सुत्वा वेगेन तत्थं गन्त्वा तस्स इरिया पथेसु पसन्नो नगरं गमनाय याचि । बोधिसत्तो तं पटिक्खिपि । अथ पुनप्पुनं याचन्तस्स तस्स रञ्जो “बुद्धो हुत्वा पठमं एव तव नगरं आगमिस्सामि” इति पटिञ्जं दत्वा अगमासि ।

बोधिसत्तो अपि अनुपुब्बेन चारिकं चरमानो पठमं आलार-तापसं च ततो उट्ठक तापसं च उपसङ्कमित्वा समापत्तियो निब्बत्तेत्वा एवं चिन्तेसि “इमेसं अयं मग्गो सम्बोधाय नसंवत्तति, तस्मा मया निब्बानाय संवत्तनिकं अञ्जं मग्गं पटिपज्जितुं वट्ठति” इति । अथ ततो निक्खम्म उरुवेलं गन्त्वा महापधानं पदहितुं आरभि ।

बोधिसत्तं निस्साय पब्बजिता कोण्डञ्जो, वप्पो, भद्दियो, महानामो, अस्सजि, इति इमे पञ्चवग्गिया भिक्खू अहेसुं । ते अपि उरुवेलायं आगन्त्वा महापधानं पदहन्तं तं अनेकप्पकारेण उपट्ठहन्ता- ‘इदानि बुद्धो भविस्सति, इदानि बुद्धो भविस्सति’ इति चिन्तेत्ता अट्ठसु । बोधिसत्तो बुद्धभावाय छ वस्सानि दुक्कर कारिय कत्वा अपि तं पटिविज्झितुं न असक्खि । अथ ते पञ्चवग्गिया भिक्खू “एत्तकं कालं वायमित्वा अपि तं लभितुं न असक्खि इदानि किं करिस्सति, तस्मा किं नो इमिना” इति महासत्तं पहाय अत्तनो अत्तनो पत्तचीवरं गहेत्वा अट्टारस योजनं मग्गं गन्त्वा इसिपतनं अगमिंसु ।

(पदमाला)

दारिका = मिसामचात
पटिजग्गाहि = सफा सुग्घरया
पातो = सुथ न्हापनं

निष्फन्नो = सम्पूर्ण जुल
संचरन्ति = चाचाहिलाच्वन
अधिग्गहितो = बासयाना च्वंगु

उपपरिक्खन्तो = विचार याना
स्वगु बखते
सुवण्णपाति = लुँयागु थल

तिसतिमो पाठो

चिन्तेती = चिन्तना याना
पटिलभन्ती = प्राप्त जुया
पातिं = लुंयागु थल
उद्धनतो = भुतुलिं

तोसयन्ति = सन्तोष
मञ्चन्तो = सम्भोजुया
पायासं = क्षीर
पटिकुज्ज = त्वपुल

इच्छन्ती = इच्छा जुया
गच्छन्ती = वनाच्वंगु बखते
बुब्बुला = पीजा
सहत्थेन = थःगु ल्हातं

तस्मिं पन काले उरुवेलायं सेनानि नाम निगमे सुजाता नाम दारिका अहोसि । सा वयप्पत्ता एक दिवसं एकं निग्रोधरुक्खं दिस्वा “अयं रुक्खो देवताय अधिग्गहितो” इति चिन्तेन्ती एवं पत्थनं अकासि । “देवते, सचे अहं पुत्तं लभिस्सामि, तुह्यं महासक्कारं करिस्सामि” इति । अथ पच्छा तस्सा पत्थना तथा एव समिज्झति । सा अतिसयेन चित्तं तोसयन्ती हुत्वा देवताय बलिकम्मं कातुं इच्छन्ती वेसाख मासे पुण्णमी दिवसे पातो एव पायासं पचितुं आरभि । तस्मिं पन पायासे पच्चमाने महन्तं महन्ता बुब्बुला उद्धित्वा संचरन्ति । एकविन्दु अपि बहि नपतति, उद्धनतो धूमो ननिक्खमति, सुजाता तं अच्छरियं दिस्वा अधिकं पीतिं पटिलभन्ती पुण्ण दासिं आमन्तेत्वा एवं आह । “पुण्णे, त्वं सीघेन देवद्वानं पटिजग्गाहि” इति ।

बोधिसत्तो अपि खो पठम दिवसे रत्तियं पच्चूस-काले पच्च-महासुपिने दिस्वा तेसं अत्थं उपपरिक्खन्तो ‘निस्संसयेन अहं अज्ज बुद्धो भविस्सामि’ इति चिन्तेसि । ततो पातोएव सरीर-किच्चं कत्वा आगन्त्वा अत्तनो सरीर-आलोकेन सकलं पदेसं ओभासयमानो तस्मिं निग्रोध-रुक्ख मूले निसीदि । देवद्वानं पटिजग्गतुं आगता दासी तथा निसिन्नं बोधिसत्तं दिस्वा चिन्तेसि । सहत्थेन एव बलिकम्मं पटिग्गहेतुं सादेवता रुक्खतो आरुह्य निसिन्ना’ इति तथा मञ्चन्ती वेगेन घरं गन्त्वा सुजाताय तं कारणं आरोचेसि ।

सुजाता पन तं सुत्वा तुद्ध-मानसा सीघं पायासं सुवण्णा-पातियं पक्खिपित्वा अञ्जाय सुवण्ण पातिया पटिकुज्ज । ततो तं पातिं सीसे ठपेत्वा महन्तेन परिवारेण निग्रोध-रुक्ख मूलं गच्छन्ती बोधिसत्तं दिस्वा रुक्ख-देवता इति सञ्जाय बलव गारवा वन्दित्वा तं पायास पातिं पूजेसि । पूजेत्वाच पन एवं आह- “सामि, यथा मत्थं मनोरथो निप्फन्नो तथा तुम्हाकं अपि समिज्झतु” इति, एवं वत्वा तुद्ध-मानसा गेहं अगमासि ।

एकतिसतिमो पाठो

एकूनपण्णास पिण्डे = पीगुपे
अनुसोतं = क्व न्ह्याना
थोमयमाना = स्तुति याना
अद्धित्तिणमुद्धिहि = घाय् च्याम्हुलिं

तुच्छं = खालिगु
पक्खिपि = कुरुकल, तल
आवट्टे = भंबरी
सुपुप्फितं = बाँलाक होगु

पटिसोतं = थन्ह्याना
अविजहितं = मतोतुगु
निमुज्जि = दुबे जुल
अलङ्कतेन = अलङ्कार
याना तःगु

अथ महासत्तो ततो उद्वाय पाति गहेत्वा नेरञ्जरा नदिया तीरं अगमासि । गङ्गातीरे पायास पातिं ठपेत्वा नदियं नहायित्वा तं सब्बं पायासं एकूनपञ्जासपिण्डे कत्वा परिभुञ्जि । ततो तुच्छं पातिं गहेत्वा “सचे अहं अज्ज बुद्धो भविस्सामि । अयं पाति पटिसोतं गच्छतु, नो चेभविस्सामि अनुसोतं गच्छतु” इति तं गङ्गायं पक्खिपि ।

सा खो पन पाति गङ्गा-सोतं छिन्दमाना पटिसोतं गन्त्वा एकस्मिं आवट्टे निमुज्जि । सा नागलोकं गन्त्वा पुरिमानं तिण्णं बुद्धानं पातीहि सद्धिं घट्टेत्वा सद्द करोन्ती अद्वासि । पातिया पटिसोतस्स गमनेन निस्सय तस्मिं एव दिने बुद्धो भवितुं सक्का इति तुद्ध-मानसो अहोसि । ततो गङ्गा तीरे सुपुप्फितं रमणीयं सालवनं अत्थि । तत्थ दिवाविहारं अकासि । सायणह-काले ततो निक्खम्म बोधि-मण्डं देवताहि अलङ्कतेन मग्गेण अगमासि । देवा च नागा च सुपण्ण आदयो च गन्धपुप्फेहि पूजयिंसु, अयं लोको एक साधुकारो अहोसि ।

अन्तरा-मग्गे पन सोत्थियो नाम एको ब्राम्हणो तिणं आदाय आगच्छन्तो बोधिसत्तो तं अपि आदाय बोधिमण्डं सम्पत्तो ‘इदंद्वानं सब्बेहि बुद्धेहि अविजहितं अचलद्वानं’ इति वत्वा तं तिणं बोधिमूले पक्खिपि । तावदेव चुद्दस हत्थो पल्लङ्को उद्धिहि । तत्थ बोधिक्खन्धं पिद्धितो कत्वा पुरत्थिम-दिसाय अभिमुखो हुत्वा

“सम्मासम्बोधिं अप्पत्वा इमम्हा आसना च उट्टहिस्सामि” इति दल्हविरियं अधिद्वानं कत्वा पल्लङ्कं आभुजित्वा निसीदि ।

तदा देवता महासतं नानाविधाहि पूजाहि पूजायमाना थोमयमाना परिवारेत्वा अट्टंसु । सक्को देवराजा विजयुत्तरं नाम सड्खं धममानो अट्टासि । महाब्रह्मा सेतच्छत्तं धारेसि । कालोनाम नागराजा गुणवण्णनं करोन्तो अट्टासि ।

(पदमाला)

पासाणो = ल्वहं
अङ्गारो = मिच्यागु ट्यंग्वा
तिट्ठथ = दना च्वं
हनथ = पा

पहरणं = गडा
कुक्कुलो = पूगु नौ, बुलुमि
गण्हथ = ज्वं
पलापेथ = बिसिक व्छ

सत्थं = शस्त्र
मापेसि = ऋद्धिं दयकल
बन्धथ = च्यु
उट्टहथ = दँ

द्वत्तिसतिमो पाठो

अनेकक्खत्तुं = अनेक बार
तिक्खत्तुं = स्वंगू बार
एकको = याकचा
समुट्टापेसि = उत्पन्न यात

एकक्खत्तुं = छगू बार
चतुक्खत्तुं = प्यंगू बार
वायमति = कोशिश यात
कुट्टो = तंम्बेका

द्विक्खत्तुं = निगू बार
पञ्चक्खत्तुं = न्यागू बार
उम्मूलेतुं = लिनाच्छयेत
असहन्तो = सहयाये मफया

तस्मिं समये मारो देवपुत्तो एवं चिन्तेसि - “सिद्धत्थकुमारो बुद्धो भवितुं वायमति, सो मह्यं विसयं अतिककमितुकामो होति, इदानि अस्स ओकासं न दस्सामि” इति । ततो महन्तं मारसेनं आदाय गिरिमेखला नाम हत्थि अभिरुहित्वा युद्धाय निक्खमि । मारबले बोधिमण्डं आगच्छन्ते बोधिसत्तं परिवारेत्वा ठिता सब्बेदेवा सम्मुख-सम्मुखद्वानेन एव पलायिंसु । एको अपि ठातु समत्थो न अहोसि । बोधिसत्तो एव एकको अहोसि ।

अथ आगच्छन्तं मारबलं च पलायन्त देवता समूहं च दिस्वा महापुरिसो चिन्तेसि - “अहंपन एकको अस्मि एत्तको जनो मम बुद्धभावस्स अन्तराय कातु वायमति । मह्यं पन इमस्मिं ठाने माता वा पिता वा भाता वा अञ्जो वा कोचि उपकारको नत्थि, मया अनेकक्खत्तुं पूरिता पारमियो एव इदानि सहायका, तस्मा पारमी सत्थेन पहरित्वा इमं मारसेनं पलापेतुं वट्टति” इति, दसपारमीयो एव अविज्जमानो निसीदि ।

मारो देवपुत्तो एतेन एव इमं पलापेस्सामि इति महारुक्ख आदयो अपि उम्मूलेतुं समत्थं महन्त वातं समुट्टापेसि । तेन बोधिसत्तस्स चीवर कण्णं अपि चालेतुं न असक्खि । ततो महावस्सं मापेसि । ततो पासाण-वस्सं, परहण वस्स अङ्गार वस्सं, कुक्कुल वस्सं, वालुक वस्सं, कलल-वस्सं, च अवसाने अन्धकार वस्सं च इति महन्तानि नव वस्सानि समुट्टापेसि । तेहि महासत्तस्स कंचि अपि अन्तरायं कातुं न असक्खि ।

एवं मारो एकक्खत्तुं द्विक्खत्तुं तिक्खत्तुं चतुक्खत्तुं याव नवक्खत्तुं अपि बोधिसत्तं पलापेतं वायमि । केनचि अपि असक्कोन्तो अतिसयेन कुट्टो कोध वेगं असहन्तो “कि भणे, तिट्ठथ, इमं सिद्धत्थं गण्हथ बन्धथ हनथ पलायेय” इति मारसेनं आणापेसि । सयं अपि चक्क-आयुधं गहेत्वा उपसङ्कमित्वा सिद्धत्थ, एतस्मा पल्लङ्कस्मा सीघं उट्टहथ, नअयं तुट्ठयं सन्तको, अथ च पन मह्यं सन्तको” इति आह । तं सुत्वा महासत्तो आह “मार, त्वया दसपारमिया नपूरिता, तस्मा अयं पल्लङ्को मह्यं एव पापुणाति, न तुट्ठयं” इति ।

तेत्तिसतिमो पाठो

गहेत्वा = ज्वना
अवत्थरित्वान = तोपुया
विस्सज्जेसि = तोता छोट
सक्खी = साक्षी

पत्वान = थ्यंका
हुत्वान = जुया
मालावितानं = स्वाँ यागु इला
जण्णुकेहि = पुलिं

वत्वान = धया
दिस्वान = सोया
सेलकूटानि = पर्वतया च्चका
उग्घोसयुं = घोषणा यात

सुपण्णसंघा = गरुडया गण

मारो ततो अपि अधिकतरं कुद्धो महासत्तस्स चक्क आयुधं विस्सज्जेसि । तं तस्स उपरि भागे मालावितानं हुत्वान आकासे निवत्ति । ततो मारपरिसा महन्तानि सेल-कूटानि गहेत्वान विस्सज्जेसि, तानि अपि बोधिसत्तं पत्वान माला-गुलभावं पापुणिसु ।

अथ मारो “सिद्धत्थ, त्वया एव दान आदयो पारमी धम्मा नपूरिता । अथ च पन मया अपि पूरिता” इति आह “त्वया दानस्स दिन्न-भावे कोसक्खी” इति । इमे सब्बे एव सक्खिनो इति । अथ मारसेना “अहं सक्खी अहं सक्खी” इति एकप्पहारेण महासद्दं अकासि । ततो मारो-आह- “तुह्यं दानस्स दिन्नभावे कोसक्खी, इति । “मार, तुह्यं सक्खिनो सचेतना मह्यं पन अचेतन अपि अयं पठवी सक्खी” इति वत्वान ‘वेस्सन्तर-अत्तभावे ठत्वान दिन्न-दानस्स त्वं सक्खी, नअसक्खी इति’ महापठवीया अभिमुखं दक्खिण-हत्थं पसारेसि । महापठवी “सामि, अहं ते तदा सक्खी” इति वदमाना विय अनेकेण राव-सतेण रावसहस्सेण मारसेनं अवत्थरित्वान सद्दं अकासि ।

ततो गिरिमेखल-हत्थि जण्णुकेहि पतिट्ठासि । मारो भूमियं पतितं दिस्वा मारसेना सम्मुख-सम्मुख द्वानेन पलायि । मारदेवपुत्तो च पलायि । अथ देवता पलायन्तं मारसेन दिस्वान पमोदिता “सिद्धत्थकुमारस्स जयो, मारस्स पराजयो, जयपूजं करिस्साम” इति ततो ततो आगन्त्वान बोधिसत्तं पूजयमाना थोमयमाना अट्टंसु । तेनवुत्तं -

“जयोहि बुद्धस्स सिरिमतो अयं ।
मारस्स च पापिमतो पराजयो ॥
उग्घोसयुं बोधिमण्डे पमोदिता ।
जयं तदा नागगणा महेसिनो” ॥

सिरिम तो बुद्धस्सहि अयंजयो (होति) पापिमतो मारस्स च पराजयो (होति) इति-तदा पमोदिता नागगणा, महेसिनो जयं बोधिमण्डे उग्घोसयुं (थथे हे बाकि दनिगु गाथाय् नं थ्व हे रूपं कया दयेका यंकेगु)

जयो हि बुद्धस्स सिरिमतो अयं ।
मारस्स च पापिमतो पराजयो ॥
उग्घोसयुं बोधिमण्डे पमोदिता ।
सुपण्णसंघा ‘पि जयं महेसिनो ॥
जयोहि बुद्धस्स सिरिमतो अयं ।
मारस्स च पापिमतो पराजयो ॥
उग्घोसयुं बोधिमण्डे पमोदिता ।
जयं तदा देवगणा महेसिनो ॥
जयोहि बुद्धस्स सिरिमतो अयं ।
मारस्स च पापिमतो पराजयो ॥
उग्घोसयुं बोधिमण्डे पमोदिता ।
जयं तदा ब्रम्हगणा‘पि तादिनो’ इति ॥

चतुत्तिसत्तिमो पाठो

यत्र = गन

जाति खञ्जा = जन्मनिसें लंगडा

अमुत्र = फलानागु थासे

पुब्बेनिवास आणं = पूर्वे निवास ज्ञान

जाति-अन्धा = जन्म निसें कापिं

जाति-वधिरा = जन्मनिसें ख्वाँय्

कुत्र = गन

सब्बत्र = फुक्क थासे

आसवक्खय आणं = आश्रव क्षय ज्ञान

तत्र = अन

अत्र = थन

दिब्बचक्खुआणं = दिव्य चक्षु ज्ञान

सब्बञ्जुत आणं = सर्वज्ञ ज्ञान

एवं महासत्तो सुरियस्स अत्थङ्गमनतो पुब्बे एव मारसेनं पराजेसि । अथ देवताहि पूजियमानो बोधिरुक्खमूले निसिदित्वान तस्सा रत्तिया पठमयामे पुब्बेनिवासआणं पटिलभि, एकं जातिं द्वे जातियो तिससो

जातियो चतस्सो जातियो सतं जातियो सहस्सं जातियो अनेककप्पे च अनुस्सरि । तासु तासु जातीसु “अमुत्र एवं नामो एवं गोत्तो एवं आकारो उप्पज्जि” इति, यत्र, यत्र यादिसो आकारो होति, तत्र तत्र तं सब्बं एव अनुस्सरि ।

अथ मज्झिम-यामे दिव्वचक्खुजाणं पटिलभि । विसुद्धेन तेन जाणेन “च वमाने उप्पज्जमाने च हीने पणिते च सत्ते पजानामि” इति पटिविज्झि । पच्छिम यामे पन आसवानं खयजाणं पटिलभि । इदं दुक्खं, अयं दुक्खसमुदयो, अयं दुक्ख-निरोधो, अयं दुक्ख-निरोधगामिनि पटिपदा इति अञ्जासि । इमे आसवा, अयं आसव समुदयो, अयं आसव निरोधो अयं आसव निरोधगामीनि पटिपदा इतिच अञ्जासि । अथ अयं दससहस्सी लोकधातु द्वादसक्खत्तुं संकम्पि । एवं बोधिसत्तो लोकधातु कम्पेत्वा सब्बञ्जुतजाणं पटिविज्झि ।

तस्मिं एव खणे दससहस्सी लोकधातु मङ्गलसिरिं पटिलभि, अलङ्कल पतियत्ता अहोसि । जाति खञ्जा पदसा गमिंसु, अपरिमानो सिरि विभवो लोके पातुरहोसि ।

एवं महाबोधिसत्तो वेसाख-मासे पुण्णमी दिने बुद्धो हुत्वा सब्बेहि बुद्धेहि अविजहितं “अनेक जाति संसारं” इति आदिं उदानं उदानेसि । ततो भगवा तत्रएव निसिदित्वा एवं चिन्तेसि - “नियत-विवरणतो पट्टाय एत्तकं कालं अहं इमस्स एव बुद्ध भावस्स कारणा आगतो अम्हि, सब्बत्र, दान-आदयो पारमी धम्मा इमस्स एव कारणा पूरिता, अज्ज मत्थं मनोरथो निप्फन्तो, अयं मे पल्लङ्को जयपल्लङ्को, अत्र निसिन्नस्स मे मनोरथो परिपुण्णो, तस्मा इमम्हा आसना ताव नवुद्धिस्सामि” इति समापत्तिं समापज्जन्तो तत्रएव सत्ताहं निसीदि ।

पञ्चतिसत्तिमो पाठो

वूपसमनत्थं = शान्त यायेत	पूजनत्थ = पूजा यायेत	पकासनत्थं = प्रकाश यायेत
चङ्कमनत्थ = चंक्रमन यायेत	पच्चवेक्खणत्थं = प्रत्यवेक्षण यायेत	पलोभनत्थं = प्रलोभन यायेत
अनिमिसेहिअक्खीहि = मिखा फुति मयासे	रतनघरं = रत्ना घर	पलोभेतुं = फंसे यायेत
मापपियंसु = ऋद्धिं दयेकल	अक्खीनिउम्मीलेत्वा = मिखा कना	भोगेहि = फंतां

सम्मासम्बुद्धे तस्मिं एव वजिरासने सत्ताहं निसिन्ने एकच्चानं देवतानं वितक्को उदपादि - “अज्ज अपि नून सिद्धत्थस्स कत्तब्बं किच्चं अत्थि । तस्मा पल्लङ्का नवुद्धति” इति । सत्था देवतानं वितक्कं ऋत्वान तं वपसमनत्थं आकासं उगन्त्वा पाटिहारियं दस्सेसि । ततो भगवा पल्लङ्कतो उत्तरदिसा भागे ठत्वा बोधिरुक्खस्स पल्लङ्कस्स च पूजनत्थं अत्तनो कत उपकार पकासनत्थं च अनिमिसेहि अक्खीहि ओलोकयमानो दुतियं सत्ताहं वीतिनामेसि । तं द्धानं अनिमिस-चेतियं नाम जात ।

अथ ठित द्धानस्स च बोधिरुक्खस्स च अन्तरा चङ्कमनत्थ चङ्कमं मापेत्वा तत्थ चङ्कमन्तो ततियं सत्ताहं वीतिनामेसि । तं द्धान रतनं-चङ्कम-चेतियं नाम अहोसि । ततो देवता रतनघरं मापियंसु, धम्मस्स गम्भीरभावं पच्चवेक्खणत्थं तत्थ निसीदित्वान अभिधम्मपिटकं सम्मसन्तो चतुत्थं सत्ताहं अतिककमि । तं द्धानं रतन-घर-चेतियं इति वोहरीयते । अथ पञ्चमे सत्ताहे ततो निक्खमित्वान अजपाल निगोधमूलं उपसङ्कमि, तत्र अपि धमं सम्मसन्तो सत्ताहं निसीदि ।

तस्मिं समये तण्हा अरती, रगा, इति तिस्सो मारधीतरो पराजितं पितर दिस्वान सत्थारं पलोभनत्थ च तासं वसे करणत्थं च नानप्पकारेन अत्तभावं अलङ्करित्वान तत्थ पापुणिसु, ता नाना वेसानि गहेत्वान नच्चन्ता गायन्ता तुरियानि वादयन्ता भगवन्तं पलोभेतुं न असक्खिंसु । भगवा अक्खीनि उम्मीलेत्वा अपि न ओलोकेसि । वचन अपि नमनसि अकासि । अनुत्तरं सुखं एव अनुभवन्तो निसीदि । ता अनेकप्पकारेन वायमित्वा पलोभेतुं असक्कोन्ता पितु सन्तिकं अगमंसु । भगवा पन तत्थ एव पञ्चमं सत्ताहं वीतिनामेसि ।

अथ ततो निक्खमित्वान मुचलिन्दं अगमासि । तत्थ देवे वसन्ते मुचलिन्देन नागराजेन-भोगेहि परिक्खित्तो छट्ठं सत्ताहं वीतिनामेत्वान राजायतनं उपसङ्कमि । निब्बानसुखं अनुभवन्तो सत्तमे सत्ताहे तत्थ निसीदि ।

(पदमाला)

उपनीतो = चढे या:गु	उस्साहितो = उत्साह या:गु	दन्दकट्टं = दतिवन
कतिपाहं = निन्दु स्वन्दु	मन्थो = सत्तु	मधुपिण्डकं = कस्तियागु मच्छि

छत्तिसत्तिमो पाठो

आतिता = थ:थितियागु भाव	उपासकत्तं = उपासकयागु भाव	पण्डितत्तं = पण्डितयागु भाव
वियत्तत्तं = समर्थ दुगु भाव	कालकत्तत्तं = मृत्यु जूगु भाव	बुद्धत्तं = बुद्धत्व
एकूनपञ्जासत्तिमे = पीगुन्दु दुखुनु	अभिदोसे = सुथेसियागु पहरे	पटिवेदेसुं = निवेदन यात
आसाल्हमासे = आषाढ महिनाये	चातुद्दसीयं = चतुर्दशीया दिने	तदहेएव = उखुन्दु हे

एवं भगवा सत्तसु द्वानेसु सत्त-सत्ताहं वीतिनामेसि । एत्तकेसु दिवसेसु मुख-धोवनं वा आहार किच्चं वा सरीर किच्चं वा न अहोसि । अथ एकून पञ्जासत्तिमे दिवसे सक्केन उपनीतं दन्तकट्टं खादित्वा अनोतत्त सरतो आनीतेन उदकेन मुखं धोवित्वा तत्थएव राजायतनमूले निसीदि ।

तस्मिंकाले तपस्सु-भल्लिकानाम द्वे वाणिजा सकटेहि भण्डानि आदाय मज्झि-पदेसं गच्छन्ता राजायतन-मूले निसिन्नं भगवन्तं अद्दसंसु । आतित्तं उपगताय देवताय उस्साहितो ते वाणिजा मन्थञ्च मधुपिण्डकं च गहेत्वा भगवन्तं उपसङ्कमित्वा भन्ते, 'भगवा अनुकम्पं कत्वा इमं पटिगण्हातु' इति वन्दमाना अद्दंसु, भगवा चतूहि महाराजेहि उपनीते सेलमये पत्ते तं पठिगण्हित्वा परिभुञ्जित्वा अनुमोदनं अकासि । ते द्वे भातरो वाणिजा बुद्धं च धम्मं च सरणं गता द्वे वाचिका नाम उपासका हुत्वा उपासकत्तं पटिवेदेसु । अथ ते एकं पजेतब्बद्धानं याचिसु । सत्था दक्खिण-हत्थेन सीसं परामसित्वा केसधातुयो पतिट्टपेत्वा चेतियं अकंसु ।

ततो सत्था पुन अजपाल निग्रोध मूलं गन्त्वा तत्थ निसिन्नो सहम्पत्रि ब्रम्हना धम्मदेसनत्थं आयाचित्तो तस्स पटिञ्चं दत्त्वा एवं चिन्तेसि "कस्सनुखो अहं पठमं धम्मं देसेय्यं" इति । आलारकालामस्स पण्डितत्तं वियत्तत्तं चिन्तेत्वा तस्स धम्मं देसेतु ओलोकेन्तो सत्ताहतोपुब्बे तस्स कालकत्तत्तं अञ्जासि । कालकत्तत्तं अत्त्वा ततो पञ्चवग्गियान भिक्खून् देसेतुं चिन्तेसि । ततो कतिपाहं तत्थ एव वसित्वा आसाल्ह-मासे पुण्णमियं पत्त चीवरं आदाय ततो निक्खमि । अन्तरामग्गे उपकंनम आजीवक दिस्वा तस्स अत्तनो बुद्धत्तं बुद्धत्तं कथेत्वा तदहे एव सायण्ह समये वाराणसियं इसिपतनं अगमासि ।

सत्तिसत्तिमो पाठो

परिवुतो = चाहिका	सोतापन्नो = सोतापन्न	पतिट्टियंसु = प्रतिष्ठित जुल
पब्बाजेत्वा = प्रब्रजित याना	दमेत्वा = दमन याना	विधमेत्वा = विनाश याना
विहासि = च्वना विज्यात	साधयन्तो = पूर्ण याना	उप्पत्तितो = जन्म जूसें निसें
निट्टपेत्वा = पूर्ण याना	अनुगाहं = अनुग्रह, उपकार	परिनिब्बुतो = परिनिर्वाण

जुया विज्यात

सत्था तत्थ गन्त्वा अट्टारसहि ब्रम्हकोटिकोटीहि परिवुतो पञ्चवग्गिये भिक्खू आमन्तेत्वा धम्म चक्कसुत्तं देसेसि । अयं पन सम्मासम्बुद्धस्स पठमं धम्मं देसेना बुद्धो हुत्वा पठमं एव देसितं धम्मं धम्म-चक्कसुत्तं नाम देसेना अवसाने अट्टारसहि ब्रम्हकोटीहि सद्धिं कोण्डञ्जथेरो सोतापन्नो अहोसि । पुन दिवसे धम्मं सुत्वा वप्पत्थेरो च ततो अञ्जे थेरा च सोतापन्ना अहेसुं अथ पञ्चमीय अनत्त-लक्खण सुत्तं सुत्वा पञ्च अपि थेरा अरहत्तफले पटिट्टहिंसु । ततो यस-कुलपुत्तो, तस्स सहायका चतु पुण्णास जना च इति इमसं धम्मं देसेत्वा अरहत्तफले पतिट्टपेत्वा ते सब्बे एव लोकस्स धम्मं देसेतुं नाना दिसासु पेसेसि । सयं एकको एव उरुवेलं गच्छन्तो अन्तरा

मग्गे भद्दवग्गिय कुमारानं धम्मं देसेत्वा पब्बाजेत्वा धम्म दूत-वसेन दिसासु पेसेसि । उरुवेल कस्सप-आदयो अपि दमेत्वा पब्बाजेत्वा तेहि परिवुत्तो राजगहं अगमासि ।

राजगह नगरे पन विम्बिसार-राज-पमुखानं महाजनानं धम्मं देसेत्वा वेलुवनारामं पटिग्गहेत्वा तत्थ वसन्तो सारिपुत्तो च मोग्गल्लानो च इति द्वे अग्गवासावके लभित्वा जन धम्म-अमतेन तोसयन्तो विहासि । ततो तेसु तेसु जनपदेसु गाम-निगम-राजधानीसु चारिकं चरन्तो लोकस्स मोह-अन्कारं विधमेत्वा पब्बा-आलोकं वड्ढेन्तो निब्बान-मग्गं दीपेन्तो अपरिमानं लोकहितं अकासि ।

एवं बुद्धो भग्वा पञ्चचत्तालीस वसानि धम्मं देसेन्तो सत्तानं अनुग्गहं करोन्तो बुद्धसासनं पतिट्ठपेत्वा अनेकसत्तानं देव मनुस्स सुखानि मग्ग फल निब्बान सुखानि च साधयन्तो एव विहरित्वा उप्पत्तितो असीतिमे वस्से सकलं बुद्ध-किच्चं निट्ठपेत्वा वेसाख मासे पुण्णमियं कुसिनारानगरे मल्ल-राजानं सालवने परिनिब्बुत्तो इति ।

॥ सुभं भवतु ॥